

本艸經卷二

吳普等述

孫星衍同輯

中經

中藥一百二十種為臣主養性以應人無毒有毒斟酌

其宜欲遏病補羸者本中經

雄黃

石流黃

雌黃

水銀

石膏

慈石

凝水石

陽起石

孔公孽

殷孽

鐵精落

理石

長石

膚青

右玉石中品十
四種舊十六種

理石

乾薑

泉耳實

葛根

括樓

苦參

當歸

麻黃

通艸



本艸經卷二

吳普等述

孫星衍同輯

中經

中藥一百二十種為臣主養性以應人無毒有毒斟酌

其宜欲遏病補羸者本中經

雄黃

石流黃

雌黃

水銀

石膏

慈石

凝水石

陽起石

孔公孽

殷孽

鐵精落

理石

長石

膚青

右玉石中品十
四種舊十六種

理石

乾薑

泉耳實

葛根

括樓

苦參

當歸

麻黃

通艸



芍藥

蠡實

瞿麥

元參

秦艽

百合

知母

貝母

白芷

淫羊藿

黃芩

狗脊

石龍芮

茅根

紫菀

紫艸

敗醬

白鮮皮

酸醬

紫參

橐本

石韋黃

葶藶

白薇

水萍

王瓜

地榆

海藻

澤蘭

防己

欬冬華

牡丹

馬先蒿

積雪艸

女菀

王孫

蜀羊泉

爵牀

假蘇

翹根

右艸中品四十九種舊四

種十六



北京中医药大学图书馆版权所有

桑根白皮竹葉 吳茱萸 卮子

蕪荑 枳實 厚朴 秦皮

秦茱 山茱萸 紫葳 豬苓

白棘 龍眼 松蘿 衛矛

合歡 右木中品一十七種舊同

白馬莖 鹿茸 牛角鰓 殺羊角

狗陰莖 麝羊角 犀角 右獸中品七種舊同

燕屎 天鼠屎 右禽中品二種舊三種

蝟皮 露蜂房 鼈甲 蟹

柞蟬 蟻螬 烏賊魚骨白僵蠶

鮫魚甲 樗雞 活蜎 石龍子



木虫

蜚虫

蜚廉

麤蟲

伏翼

右蟲魚中品一十七種舊十六種

梅實

右果中品一種舊同

大豆黃卷赤小豆

粟米

黍米

右米穀中品三種舊二種

蓼實

葱實

蠶

水蘇

右菜中品三種舊同

雄黃味苦平寒主寒熱鼠癭惡創疽痔死肌殺精惡物

鬼邪氣百蟲毒勝五兵鍊食之輕身神僊一名黃食石

生山谷

吳普曰雄黃神農苦山陰有丹雄黃生山之陽故曰

雄是丹之雄所以名雄黃也

名醫曰生武都敦煌山之陽采無時



案西山經云高山其下多雄黃郭璞云晉太興三年

高平郡界有山崩其中出數千斤雄黃抱樸子僊藥

篇云雄黃當得武都山所出者純而無雜其赤如雞

冠光明晔晔乃可用耳其但純黃似雌黃色無赤光

者不任以作仙藥可以合理病藥耳

石流黃

流舊作硫御覽引作流是

味酸溫主婦人陰蝕疽痔惡血堅

筋骨除頭禿能化金銀銅鐵奇物

御覽引云石流青白色主益肝氣明目石

流赤生羌道山谷

生山谷

吳普曰硫黃一名石留黃神農黃帝雷公鹹有毒醫

和扁鵲苦無毒或生易陽或河西或五色黃是潘水

石液也

潘卽礬古字

燒令有紫燄者八月九月采治婦人

血結

御覽云治婦人絕陰能合金銀銅鐵

名醫曰生東海牧羊山及太山河西山礬石液也

案范子計然云石流黃出漢中又云劉馮餌石流黃而更少劉逵注吳都賦云流黃土精也

雌黃味辛平主惡創頭禿癩疥殺毒蟲蝨身痒邪氣諸毒鍊之久服輕身增年不老生山谷創蝨蝨蝨惡血墮名醫曰生武都與雄黃同山生其陰山有金金精熏則生雌黃采無時

水銀味辛寒主疥癩癰瘍白禿殺皮膚中蝨墮胎除熱殺金銀銅錫毒鎔化還復爲丹久服神仙不死生平土名醫曰一名汞生符陵出於丹砂

案說文云潁丹沙所化爲水銀也廣雅云水銀謂之
汞淮南子地形訓云白礬九百歲生白潁白潁九百
歲生白金高誘云白潁水銀也
石膏味辛微寒主中風寒熱心下逆氣驚喘口乾舌焦
不能息腹中堅痛除邪鬼產乳金創生山谷
一名醫曰一名細石生齊山及齊盧山魯蒙山采無時
慈石味辛寒主周痺風溼肢節中痛不可持物洗洗酸
消除大熱煩滿及耳聾一名元石生山谷
吳普曰慈石一名磁石
一名醫曰一名處石生太山及慈山山陰有鐵處則生
其陽采無時

案北山經云灌題之山其中多礞石郭璞云可以取
鐵管子地數篇云山上有慈石者下必有銅呂氏春
秋精通篇云慈石召鐵淮南子說山訓云慈石能引
鐵只作慈舊作礞非名醫別出元石條亦非

凝水石味辛寒主身熱腹中積聚邪氣皮中如火燒煩
滿水飲之久服不飢一名白水石生山谷

吳普曰神農辛岐伯醫和扁鵲甘無毒李氏大寒或

生邯鄲采無時如雲母色

御覽引云一名寒水石

名醫曰一名寒水石一名凌水石鹽之精也生常山

又中水縣及邯鄲

案范子計然云凝水石出河東色澤者善

陽起石味鹹微溫主崩中漏下破子臧中血癥瘕結氣

寒熱腹痛無子陰痿不起

御覽引作陰陽不合

補不足

御覽引有拘攣二字

一名白石生山谷

吳普曰陽起石神農扁鵲酸無毒桐君雷公岐伯鹹

無毒李氏小寒或生太山

御覽引云或陽起山采無時

名醫曰一名石生一名羊起石雲母根也生齊山及

琅邪或雲山陽起山采無時

新合校書

孔公孽味辛溫主傷食不化邪結氣惡創疽癰痔利九

竅下乳汁

御覽引云一名通石大觀本作黑字

生山谷

又南齊采無時

吳普曰孔公孽神農辛岐伯鹹扁鵲酸無毒色青黃

名醫曰一名通石殷孽根也青黃色生梁山

殷孽味辛溫主爛傷瘀血洩利寒熱鼠瘻癰疽結氣一

名薑石生山谷

按此當與孔公孽爲一條

名醫曰鍾乳根也生趙國又梁山及南海采無時

鐵精平主明目化銅鐵落味辛平主風熱惡創瘍疽創

痂疥氣在皮膚中鐵主堅肌耐痛生平澤

舊爲三條今并

名醫曰鐵落一名鐵液可以染阜生牧羊及祊城或

析城采無時

案說文云鐵黑金也

理石味辛寒主身熱利胃解煩益精明目破積聚去三

蟲一名立制石生山谷

名醫曰一名肌石如石膏順理而細生漢中及廬山



采無時

長石味辛寒主身熱四肢寒厥利小便通血脈明目去翳眇下三蟲殺蠱毒久服不飢一名方石生山谷

吳普曰長石一名方石一名直石生長子山谷如馬

齒潤澤玉色長鮮服之不飢

御覽

名醫曰一名土石一名直石理如馬齒方而潤澤玉色生長子山及太山臨淄采無時

膚青味辛平主蠱毒及蛇菜肉諸毒惡創生川谷

名醫曰一名推青一名推石生益州

案陶宏景云俗方及僊經並無用此者亦相與不復

識

右玉石中品一十四種舊十六種攷鐵落鐵宜與鐵精爲一

乾薑味辛溫主胃滿欬逆上氣溫中止血出汗逐風溼痹腸澼下利生者尤良久服去臭氣通神明生川谷

名醫曰生健爲及荊州揚州九月采

案說文云薑禦溼之菜也廣雅云蔕廉薑也呂氏春秋本味篇云和之美者陽樸之薑高誘注陽樸地名在蜀郡司馬相如上林賦有茈薑云云

枲耳實味甘溫主風頭寒痛風溼周痹四肢拘攣痛惡肉死肌久服益氣耳目聰明強志輕身一名胡枲一名地葵生川谷

名醫曰一名施一名常思生安陸及六安田野實熟
時采果臝之實計數將熟云今齊人謂之爲天
案說文云菽卷耳也苓卷耳也廣雅云苓耳施常
胡臬臬耳也爾雅云菴耳苓耳郭璞云江東呼爲常
臬形似鼠耳叢生如盤毛詩云采采卷耳傳云卷耳
苓耳也陸璣云葉白青色似胡荽白花細莖蔓生可
煮爲茹滑而少味四月中生子正如婦人耳璠今或
謂之耳璠艸鄭康成謂是白胡荽幽州人謂之爵耳
淮南子覽冥訓云位賤尙臬高誘云臬者臬耳菜名
也幽冀謂之檀菜雒下謂之胡臬

葛根味甘平主消渴身大熱嘔吐諸痹起陰氣解諸毒

葛穀主下利十歲已上一名雞齊根生川谷

吳普曰葛根神農甘生太山

御覽

名醫曰一名鹿藿一名黃斤生汶山五月采根暴乾括樓根味苦寒主消渴身熱煩滿大熱補虛安中續絕傷一名地樓生川谷及山陰

吳普曰括樓一名澤耳一名澤姑

御覽

名醫曰一名果羸一名天瓜一名澤姑實名黃瓜二月八月采根暴乾三十日成生宏農

案說文云萆萆萆果蓏也廣雅云王白萆也

當爲爾王萆

雅云果羸之實括樓郭璞云今齊人呼之爲天瓜毛詩云果羸之實亦施于宇傳云果羸括樓也呂氏春

秋云王善生高誘云善或作瓜瓠瓢也案呂氏春秋

善字乃萆之誤

苦參味苦寒主心腹結氣癥瘕積聚黃疸溺有餘瀝逐
水除癰腫補中明目止淚一名水槐一名苦識生山谷
及田野

名醫曰一名地槐一名菟槐一名驕槐一名白莖一

名虎麻一名岑莖一名祿曰一名陵朗生汝南三月

八月十月采根暴乾

當歸味甘溫主欬逆上氣溫瘧寒熱洗在皮膚中

大觀本洗

癰婦人漏下絕子諸惡創瘍金創煮飲之一名乾歸生

川谷

吳普曰當歸神農黃帝桐君扁鵲甘無毒岐伯雷公
辛無毒李氏小溫或生羌胡地

名醫曰生隴西二月八月采根陰乾

案廣雅云山蘄當歸也爾雅云蘄山蘄郭璞云今似
蘄而麤大又蘄白蘄郭璞云卽上山蘄范子計然云
當歸出隴西無枯者善

麻黃味苦溫主中風傷寒頭痛溫瘧發表出汗去邪熱
氣止欬逆上氣除寒熱破癥堅積聚一名龍沙

吳普曰麻黃一名卑相一名卑監神農雷公苦無毒

扁鵲酸無毒李氏平或生河東四月立秋采

御覽

名醫曰一名卑相一名卑鹽生晉地及河東立秋采